



Jumat, 06 Agustus 2021

Ogen: Ezeiel 11:22-25



Nuriken Si Icidahken Tuhan



Megati kal kita nuri-nuri kerna pengalamen geluh si ibentasi kita wari-lepas wari. Bagepe nuriken sada kejadi si idah kita, umpamana berita i bas tv, koran ras sidebanna. Tapi kuga kita nuriken kerna kata Tuhan si usur sibegi? Tuhan mereken pengenehenen man Esekiel, kuga kemulian Dibata nadingken Jerusalem. Ulihna bangsa e italuken bangsa-bangsa sideban ras ibaba jadi tabanen ku negeri si nembah berhala. Bangsa Israel e bangsa si mekeng, usur nimbak Tuhan ras nembah gana-gana. Kai si icidahken Tuhan man Esekiel iturikenna ka man kalak buangen e. Alu bage bangsa e pe sadar kerna dosa ras kesalahenna man Tuhan.

Kita pe arusna nuriken kai si enggo icidahken Tuhan bas geluhta. Subuk e kerna keleng ateNa, kerna pasu-pasuNa, kerna pengkawaliNa kegeluhenta entah kerna persinget si iberena banta. Arah kai si ituriken kita, min erteremna kalak si erkiniteken man Tuhan, erpaguhna kinitekenna, ersemangatna ndalani kegeluhenna, si kote jadi megegeh, sierceda ate pe terapul pusuha. Si lalar bas dalan Tuhan, lepak perdalanna, banci ka sadar ras mulihken man Tuhan. Perlu si evaluasi, sedekah enda, adi jumpa kita ras seninata moria, entah i bas pjj, i bas PA Moria ras dahin sidebanna, entah kin ngerana arah hp, kai nge si buen ituriken kita? Kerna dirita, kerna kalak (nggosip). Kerna kegeluhen, entah kerna keleng ate Tuhan?. Siasuhilah biak nuriken si icidahken Tuhan, nuriken kata tuhu, nuriken perbahanen-perbahanen Tuhan segelah enterem kalak ngenanamisa. Dem pengarapen arah kai si ituriken kita e terpuji gelar

Turikenlah keleng ate Tuhan

